



**LANKIDETZA-HITZARMENA,
LANBIDE HEZIKETA LAGUNAK - LHL ELKARTEAREN
ETA BERGARAKO UDALAREN ARTEKOA**



Bergaran, 2019ko maiatzaren 31an.

BILDURIK


Alde batetik, M^a Elena Lete Garcia, Bergarako Udaleko alkatea eta erakunde horren ordezkaria dena, M^a Concepción Ugalde Izeta udaleko idazkariaren laguntzarekin.



Bestetik, Ignacio Larrañaga Iñurritegi, Lanbide Heziketa Lagunak (LHL) elkarteko lehendakaria, elkartearen izenean.

Azken honek zinpean Alkatearen aurrean aitortu ondoren ez bera eta ez berak ordezkatzeko duen elkarte ez daudela 38/2003 Legeko 13. artikuluko 2. eta 3. idatzatietan aurreikusitako debeku-kasuetan dirulaguntzak jasotzeko, elkarri hitzarmen hau sinatzeko ahalmena aitortu eta honako hau

ADIERAZI DUTE



Orain dela urte batzuk Enpresare Foroa sortzeko pausoak ematen hasi ziren Miguel Altuna Institutua eta Bergara, Elgeta eta Antzuolako enpresa batzuk elkarlanean, Debagoieneko Garapen Agentziarekin eta Bergarako Udalarekin lankidetzan. Foroak, sektore ezberdinen arteko lankidetzaren bitartez, sisteman eragitea eta berrikuntza erradikalen potentziala duten jarduerak bultzatzea du helburu.

Geroztik, foro hori dinamizatzeko eta egonkortzeko hainbat lan egin dira eta 2018ko ekainetik 2019ko maiatzera bitartean Lanbide Heziketa Lagunak - LHL elkartearen Enpresare Foroa kudeatzen aritu da Bergarako Udalaren dirulaguntzari esker, horretarako sinatuko hitzarmenaren bidez.

Orain arte egindakoak baloratu ondoren, 2019-2020an zehar **Enpresare proiektua garatzen jarraitzeko** asmoa du LHL elkarteak, honako arrazoiengatik:

- Enpresaretik gaur egun egiten ari diren jardueren jarraipena beharrezkoa ikusten da, iraunkortasuna eta egonkortasuna sendotzeko: Proiektua eta foroak martxan daude eta baita enpresekin lan taldean partekatutako eta bakarka jorratzen ari den ibilbidea ere.
- Aldi berean, enpresa berrien kaptazio lana egingo da, gaur egungo 20 enpresen taldea 25era iristeko.

- Bide honetan, aurrekoan bezala, Miguel Altuna Institutuaren ekarpena ere izango da, Lanbide Heziketa Lagunak elkarte bitartekari izanik, eta baita eskola bera ere enpresen kaptazioan, kokapen fisiko eta baliabidetan, administrazio zerbitzuan eta aditu bezala.
- Enpresare proiektu orokorraren eredu: Pertsonalitate juridikoa izatearen abantailak eta desabantailak lantzea ere ezinbestekoa da, ereduaren iraunkortasuna bermatzeko.
- Azken urtean egindako lanaren balorazioa oso positiboa izan da, eta ekimenaren jarraipenak garrantzi handia duela baloratu da enpresa partaide guztien aldetik, eta baita Enpresare Foroko Zuzendaritza komitearen aldetik ere, Bergarako Udala komite horretako partaide izanik.

LHL elkarteak Enpresare Foroaren proiektua kudeatzen jarraitzeko aurkeztutako proposamena begi onez ikusi dute Enpresare Foroko partaide guztiek: Miguel Altuna Institutua, Elay SL, Grupo TTT SA, Lazpiur SA, Beimek SL, Zerbimek SL, Debagoieneko Garapen Agentzia eta Bergarako Udala.

Jarraipeneko proiektu honek urte bateko iraupena du, kostua 38.500 eurokoa da eta aurrera eramateko elkarteak dirulaguntza eskatu dio Bergarako Udalari.

Begarako Udalak, 2019ko maiatzaren 30ean emandako dekretu baten bitartez, kontuan izanda gaur egun foro horren helburua dela, besteak beste, Bergarako eta inguruko enpresen arteko elkarlana bultzatzea eta horrela udalerriko enpresen jardura ekonomikoa sustatzen dela, erabaki du aurkeztutako proiektua burutzeko dirulaguntza ematea eta bi aldeen betebeharrak hitzarmen batean jasotzea.

Beraz, honako hitzarmen hau egitea erabaki dute, beronen klausulak ondorengoak izanik:

KLAUSULAK

LEHENENGOA: LHL elkarteak 2019ko maiatzaren 14an aurkeztutako proiektua burutzeko konpromisoa hartzen du.

Proiektu horren faseak honako hauek izango dira:

- ETEen bakarkako proiektuak aurrera eramatea eta proiektu berriak abiatu.
- Enpresa Traktoreen, Erdi erantzule proiektuaren jarraipena egin.
- Foro iraunkorrak sakondu.
- Uztartze-foroen jarraipena.
- Homologo foroen jarraipena.
- Ordezkaritza-lana: Sare eta Agenteen artean.
- Enpresare ereduaren antolaketa.

LHL elkarteak proiektua garatzeko hamabi hilabete izango ditu, eskaera aurkeztu zen egunetik kontaktzen hasita.

Halaber, honako konpromiso hauek hartzen ditu elkarteak:



- Proiektuaren fase bakoitzaren amaieran prozesuaren azalpena jasoko duen txostena aurkeztea Bergarako Udalari.
- Proiektu honen inguruan publizitaterik egingo balitz, Bergarako Udalaren laguntza duela adieraztea.
- Gutxienez euskara erabiltzea ekitaldi eta idatzizko komunikazio publikoetan: iragarki, ohar eta abar.

Ahozko komunikazioetan, bi hizkuntzak erabiliz gero, euskarari emango zaio lehentasuna, euskarazko aurkezpena gaztelerakoaren aurretik eginez.

Era berean, idatzizko komunikazio elebidunetan ere, euskarari emango zaio lehentasuna, bai kokalekuaren aldetik (euskarazkoa gaztelerakoaren gainean), bai neurriaren aldetik. Testuak hizkuntzaren aldetik zuzen idatziak daudela egiaztatzeko, Euskara Zerbitzura eraman ahalko dira.

- Gizon eta emakumeen berdintasunari dagokionez, udalak markatutako irizpideak jarraitu beharko ditu elkarteak. Jarduera, proiektu edo programarekin lotutako iragarki eta komunikazioetan ez da erabiliko ez hizkera ez irudi sexistarik, estereotipo eta rola alde batera utziz. Era berean, ezingo da diskriminatu sexu-arrazoiengatik. Eta emakumeen presentzia eta parte hartzea eremu guztietan bultzatuko da (zuzendaritzan, bazkideen artean, erabiltzaileen artean eta abarretan).

BIGARRENA.- Bergarako Udalak 38.500 euroko dirulaguntza emateko konpromisoa hartzen du.

Dirulaguntzaren lehen zatia (dirulaguntzaren % 60a, hau da, 23.100 euro) ordaindu egingo da elkarteak betebeharrak fiskaletan eta Gizarte Segurantzakoetan egunean dagoela egiaztatuta eta hitzarmen hau sinatu ondoren.

Bigarren zatia jasotzeko (% 40a, hau da, 15.400 euro), 2020ko uztailaren 31 baino lehen, proiektuaren memoria aurkeztu beharko du elkarteak, eta baita honako dokumentazio hau ere:

- a) Dirulaguntza jasotzeko eskaera-orka, behar bezala beteta eta sinatuta.
- b) Jarduerako gastuen zerrenda sailkatu bat, onuradunak edo ordezkariak sinatutakoa, eta aitortzailearen identifikazioarekin. Bertan datu hauek jasoko dira:

- Hartzekoduna (NAN, IFK, izen-abizenak, helbide soziala ... balego).
- Dokumentuaren identifikazioa (faktura-zenbakia...).
- Fakturatutako –edo pareko dokumentuan jasotako– gastuaren kontzeptua
- Fakturaren –edo pareko dokumentuaren– zenbatekoa
- Fakturaren –edo pareko dokumentuaren– jaulkipen-data
- Fakturaren –edo pareko dokumentuaren– ordainketa-data

- c) Diruz lagundutako jarduera finantzatu duten beste diru-sarreraren edo dirulaguntzen xehetasun-zerrenda, horien zenbatekoa eta jatorria adierazita.

Larribe Fizekoren Lagunak
BERGARA



d) Diruz lagundutako jardueraren diru-sarreraren eta gastuen balantze bat, onuradunak edo entitateko ordezkariak sinatuta; sinatzailea identifikatuta gelditu behar da (NAN eta izen-abizenez).

e) Programatutako jarduerari buruzko dokumentazio grafikoa (hala badagokio).

f) Dirulaguntza aurrekontu bati lotuta eman bada, desbiderapenak zeintzuk izan diren, halakorik egon bada.

HIRUGARRENA.- Hitzarmen hau indarrean egongo da 2020ko uztailaren 31ra arte.

LAUGARRENA.- Udalak egingo duen diru-ekarpenaz gain, helburu bera duen beste edozein dirulaguntza ere jaso daiteke, eta Udalari aurkeztuko zaion txosten ekonomikoan sarreretan azaldu beharko da.

Hala eta guztiz ere, diru-ekarpenak (udalarenak edo beste batzuenak batuta) eta/edo bestelako sarrerak batuta ezingo dira izan inolaz ere gastua baino handiagoak.

BOSGARRENA.- Diru-ekarpena egiteko kontuan hartu diren baldintzetakoren bat aldatuko balitz, edo udalarenaz gain beste administrazio batek edo entitate pribatu edo publiko batek emandakoa jasoko balitz, gerta liteke emandako kopurua aldatzea.

SEIGARRENA.- Diru-ekarpena berrikusi egingo da eta egoki bada baita kendu ere, baldin eta hauetakoren bat gertatzen bada:

- Diru-ekarpenaren bidez bete beharreko baldintzak bete gabe gelditzea.
- Diru-ekarpena erabiltzea lortu beharreko helburua ez den beste helburu baterako.

ZAZPIGARRENA.- Bi aldeek konpromisoa hartzen dute proiektua gauzatzeko lanen zein bertan jasotzen diren informazio guztien konfidentzialtasuna gordetzeko; informazio hori ezin izango zaie hirugarren batzuei eman, bezeroak aurrez baimena ematen ez badu bederen. LHL elkarteak proiektua garatzean eskura dituen informazio guztien konfidentzialtasuna gordeko du.

ZORTZIGARRENA.- Ezin izango da aldaketarik egin aurkeztutako proiektuan, ez eta bertan aurreikusten den denbora baino gehiago erabili ere, aurretik udalak horretarako baimena eman ez badu.

Aldaketarik eginez gero, udalak emandako dirulaguntzaren zenbatekoa aldatu ahal izango du, bai eta emandako dirulaguntza osoa edo zati bat itzularazi ere.

BEDERATZIGARRENA.- Dirulaguntzari dagokionean, hitzarmen honetan aurreikusita ez dagoen guztirako, honako hauek aplikatuko dira: Dirulaguntzak arautzen dituen





Begarako
Udala

38/2003 Estatuko Legea, azaroaren 17koa; lege hori garatzen duen 887/2006 Errege Dekretua, uztailaren 21ekoa; eta Bergarako Aurrekontuetako Udal Araua.

HAMARGARRENA.- Alde bietako batek honako hitzarmen honetan hartutako betebeharretako edozein beteko ez balu, beste aldeak hitzarmena hautsi ahal izango luke, eta kalte-ordainak eskatu.

Eta adostasun froga gisa, bi aldeek dokumentu hau sinatzen dute goian aipatutako egun eta lekuan, eta nik, idazkariak, guztia egiaztatzen dut.

Izpta.: María Elena Lete García

Begarako alkatea



Izpta.: Ignacio Larrañaga Iñurritegi

LHL elkarteko lehendakaria



Izpta.: M^a Concepcion Ugalde

Idazkaria



